

Dawn Bowden AC

Cadeirydd y Pwyllgor ar Ddiwygio Etholiadol

Cynulliad Cenedlaethol Cymru

27 Ionawr 2020

Y Pwyllgor ar Ddiwygio Etholiadol y Cynulliad

Annwyl Dawn

Diolch am eich llythyr dyddiedig 16 Rhagfyr 2019, yn gwahodd barn y Pwyllgor Safonau am y goblygiadau posibl yn sgil unrhyw newid ym maint y Cynulliad. Fe wnaeth y Pwyllgor drafod hyn yn ei gyfarfod ar 21 Ionawr 2020.

Fel y gwyddoch, cylch gorchwyl y Pwyllgor Safonau yw ymchwilio i gwynion sy'n cael eu cyfeirio at y Comisiynydd Safonau; trafod unrhyw faterion o egwyddor ynghylch ymddygiad Aelodau'r Cynulliad; pennu gweithdrefnau ar gyfer ymchwilio i gwynion; a threfniadau ar gyfer Cofrestr Buddiannau'r Aelodau ac unrhyw gofnodion cyhoeddus eraill a bennir gan y Rheolau Sefydlog.

Mae'r Pwyllgor Safonau'n ddiolchgar am y cyfle i wneud sylw ar y goblygiadau posibl yn sgil unrhyw newid i faint y Cynulliad.

Mae'r Pwyllgor yn ymwybodol mai nifer y cwynion a ddaw i law yn ystod Cynulliad sy'n pennu ei lwyth gwaith yn bennaf. Nid oes gan y Pwyllgor farn ar hyn o bryd am sut y gallai newid ym maint y Cynulliad ddylanwadu ar nifer y cwynion y mae'n eu trafod. I'r perwyl hwn, nid yw'r Pwyllgor yn teimlo y gall fynegi barn am sut y gallai cynnydd ym maint y Cynulliad ddylanwadu ar ei waith.



Yn gywir,

CAER(5)-4-20 Papur i'w nodi 7

Jayne Bryant

Jayne Bryant
Cadeirydd

